

百名家詩選

小引

魏子曰詩是吾家事此少陵之言也少陵許身
皐夔老而更狂至學詩一道不得不歸尊乃祖
則甚矣詩有淵源也志伊黃先生庚戌看花上
死爲

朝家倚庇之身宜天下事無不可爲者余讀坦
齋詩必溯其出于少師中五公暨石筍太翁庭
訓雅不傷柔文不傷綺彬彬焉澤于忠厚和平
之教非輕俗寒瘦者所可幾弓冶箕裘之喻信

乎其有徵矣彼學海而挽其波登山而躋其脊
者則惑也

百名家詩選

福清魏憲惟度輯選

廣平申涵煜觀仲江寧胡其毅致果

叅

吳江趙澧山子華亭沈道暎彥澈

黃

任

字志伊元城人

至日社集懷申鳧盟兄弟

歲暮積陰雲壓城寒林戛戛一鴻征迹名未廢
謳吟興避俗今偕鷗鷺盟亂後交情餘我輩年
來風雅屬漳洛通知抱膝叢臺下梁父吟成意

氣橫

送袁杜少入都

驛路黃泥滿停驂話去蹤長貧多好句久客少
愁容雨漲桑乾水花明馬服峰公卿方好士倒
屣應相從

過故宅梅花下作

庭前舊有兩梅樹掩映房櫳披月霧誰使券成
陽羨宅頓教夢失羅浮路幾年家圃爲隣園一
旦頽垣換丹堊貧富雖云今昔異冰心豈爲新

忘故可憐余作陌頭人猶幸汝同山下遇索笑
巡簷情更急焚條對酒傷無數枝橫清影畫堂
深風攪凍香白日暮世事那堪轉瞬更人生能
得幾回聚寒空流霰濕冥濛夜夜花魂泣不住

人日寄杜少汗朱

微風晴影散花甕社鼓催歌動野烟春到柳邊
纔七日人懷河上已經年山芳草堪憐後瓠
水桃花未發前好着一鞭來草舍莫教愁對絮
漫天

成近天招飲郊園賞菊

別業成幽賞
畦邊杖短筇
花圍如錯錦
城遠似連峰
秋色閒閒幔
斜陽動動幕
鐘勝遊真不易
歸馬尚從容

酷暑念舍弟南遊早晚歸

閉門伏枕困炎疴
長路燭蒸豈易過
北地高涼猶自爾
南方卑濕更如何
鴒飛寂寞江灘雨
鴈影差池震澤波
此日諸侯誰好客
歸哉共臥碧

山阿

翁亭賞荷

綠荷香泛曲池隈一朶亭亭帶雨開把酒欲遲
明月上攜琴正值故人來雲移踈影浮新漲露
引清芬入舊醅自笑隣翁還潦倒數逢高晏得
追陪

小集三槐堂分韻時立秋前四日也

晚霽浮青靄微涼透碧紗雨香滋石蘚簾影撲
松花把酒風林靜題詩醉墨斜悠悠三伏盡銀
漢動星槎

飲西村晚歸

亂水明幽徑危橋欹晚風車停雲影外人醉雁
聲中日落村烟白霜高野樹紅歸來林月上獨
坐菊花叢

東采臣用杜韻

無情白髮不相寬有興青春且盡歡欲滌窮愁
惟縱酒漸成懶漫每忘冠林鶯巧囀還高下穀
雨新晴乍暖寒爲報西園花似錦與君扶杖一
相看

花朝孫雪崖過訪

結廬雖未遠迥與市塵違
載酒君能至論文夜
不歸好花當令節明月照人衣
坐久渾忘寐隔林見少微

咏琴

枯桐含妙理纖指發清音
冷冷幽泉咽瀟瀟暮雨吟
和平畱正始淡遠托高深
斯世無鍾子徒懷千載心

訪菊

偶探秋色過疎林入戶唯聞絃誦音
愛客旋除花下徑停杯疾草醉中吟
携來寒蕊連朝露植向芸窓伴素琴
瞥眼浮雲安足問高懷對此遂幽沉

元宵卽事

不盡清宵賞笙歌欲曙天
興酣尊瀉月春暖雪生烟
扇影回嬌面燈花落舞筵
每從行樂處暗自惜流年

井泉庵阻雨

撥轡逢古寺，踈雨亂斜曛。
淅瀝鳴霜樹，霏微濕鴈羣。
臺高秋入眼，野曠磬穿雲。
東去金沙道，蒼茫望不分。

聞多素心人，樂與數晨夕。

答同社移居

福性愛岑寂，然欲親芝蘭。
陶公賦卜宅，罄此平生歡。
形忘見古人，握手析肺肝。
清風吹庭際，明月照簷端。
有酒君同酌，有琴我共彈。
嗟哉管鮑交，此道千古難。
人情易衰歇，願言保歲寒。

春夜聞雨

竹逕春風亂松窓夜雨鳴
氣侵書帙冷聲入夢魂
清細故知花性幽能見客情
曉看南畝外黃犢足深耕

過內丘遊圓津庵

野寺停塵騎蕭然物外心
亭環綠水濶閣倚白雲深
鳥語有時序松聲無古今
浮名此地絕長嘯一披襟

心遠樓分齊字

踏歌晚傍竹樓西
楊柳春風亂鳥啼
日霽荒園

林氣爭窻開平野草烟低青帘市遠花千樹黃
嶺沙明雨一犁回首當年俱往事偶逢良會倍
悽悽

折柳詞

雨雪霏霏暮角催梅花亭下送行杯明朝此地
看君去一任東風長綠苔

移枕

落紅飛絮滿繩床移枕清陰背草堂向午夢回
山鳥亂隔牆風送菜花香

小引

魏子曰昔人云少陵入蜀後詩益工謂其獲山水之助則生長于蜀者宜盡能詩矣狀司馬長卿楊子雲譙青城嚴君平之數公者或以賦或以文或以易卜自見不必其盡能詩何也獨陳伯玉李太白以其詩與少陵相頡頏說者謂赤甲白鹽魚復牛峽間天地沉鬱頓挫之奇鍾于詩者爲尤難也今張子又益錚錚以其詩鳴而又平日卧于蜀中山水僑寓巢湖大江南北名

公巨卿爭折節下之予過毘陵與研齋李太史
衡浣花才子指首屈焉謂其得家學于尊甫群
玉先生者至深以邃也近始締交河朔有古人
傾蓋班荆風出所爲詩屬予論定見其以英雄
之氣練儒雅之才響中鳴球風生玉樹幾幾乎
祝黃金白雪牛鬼蛇神輩皆奴隸撻之矣偶與
予並轡而馳謁北干之墓登望京樓上岸狀懷
古酒酒賦詩淋漓慨慷識其胸中復有抑塞磊
砢消不盡之致見于詩而又不必見于詩者長

留天壤間也寧必曰雕蟲小技壯夫不爲哉茲
且待 詔承明與天下文人賡歌喜起聲震寒
隄必不待輦千緡于長安鼓胡琴而故碎之矣
含山李梅邨先生張子莫逆交也請質以予言
并問巢湖山水焉何必入蜀叱瞿塘灩澦爲

百名家詩選

福清魏憲惟度輯選

含山李衷燦梅邨 涿陽彭椅爰琴

叅

儀真蔣仕榮衡庵 侯官曾祖訓惟久

張祖詠 字又益內江人

襍詩

誰謂客無衣薜荔製我裳誰謂客無食薇蕨供
我糧衣食非所惡心爲蒼生傷廟廊有奇策草
野空迴腸

感大水作

去年遭蝗旱兒女鬻遠方今歲被水潦相與共
淪亾洪流拔屋宇白波捲蓋藏携持奔高阜行
復見汪洋何以當吾世乃此遇滄桑沉溺何足
道縣官方督糧

感遇二首

貧賤騎人耳黃金何足論寧爲鴻鵠翔肯逐鷄
雀喧六翮吾自有且從霄漢翻

置身天地間出門豈不寬冠蓋當我前自作浮

雲觀吾哀韓王孫乃受漂母餐

讀范增傳同劉了庵年伯作

白帝已斃隆準公安能劍舞困乃翁玉玦不敢
舞陰指黃金一行疑重瞳君王許乞骸骨去烏
騅獨走烏江路八千子弟無一存七十老翁何
足數噫吁嘻丈夫擇主不慎始國破身亾亦徒
耳何如吾家報韓人功成更從赤松子

隔巷見

長安有女正青春自矜十五未嫁人豈是薛濤

居北里如何宋玉在東鄰東鄰北里遙相及紅
裙翠袖風前立時聞門裏墮釵聲逢人便故牽
幃入相看遊子笑相憐柳絲花片總嬌狀只愁
夜夜牆頭月腸斷秦箏十二絃

韓侯嶺懷古

淮陰江上持竿子垂釣未釣祖龍死一朝忽登
大將壇區區三秦探囊底當年叱咤悲重瞳榮
陽困關胡爲爾魏趙已破燕齊平豈知天下半
解體但驚旗鼓出井陘不知問道走泚水誰言

未有縛鷄力，斬餘擒說直。如豕可憐徒，受假王
綰不斃赤蛇斃。呂雉君看祠前日，暮雲漢家原
廟無遺址。

宿山房酒家

黃沙茫茫芳草路，疲馬躑躅千山暮。竹林深處
逗微烟，幾家茆屋依山住。壚頭好洗風塵顏，不
惜十千沽酒去。此時踈風度頽墻，陰陰斜月照
空廊。何處驚鳥遶枝叫，孤檠對影坐茆堂。茅堂
起舞影婆娑，舞罷獨酌還高歌。黃塵悠悠心自

感醉來擊筑愁如何

淮陰訪胡二以同學

不須談往事吾道自朕貧
歸路無顏色停鞭訪故人
河山迷雨雪裘馬暗風塵
作客雄雙劍蹉跎豈效顰

都門重九期彭爰棐再宓昆玉登高不果
夜集邸中

縱有登高興誰過郭隗臺
賜萸非我望送酒孰憐才
悲向歌中發人從月底來
還應期共醉莫

負菊斝杯

過榆次縣

艱險不復道太行方在東烏啼山路寂沙踏馬
蹄空萬戶蒼烟內孤城綠樹中臨流且沽飲落
日酒旗風

宿執鞭人家

念爾相從久依依似有情暮同殘月宿曉逐冷
風行濁酒憑尊醉孤燈當席明夜闌頻擊筑七
尺感平生

卷之六十五
早春過張膚先齋頭卽事

梅情猶未懶
草色已連天
齋靜千巖合
庭閒獨鳥眠
踏青嘶叱撥
拾翠傍鞦韆
慢話芳郊事
王孫最可憐

欲宿彭澤縣不及

古邑臨江岸
相看是畫圖
一城山共水
半壁楚連吳
夢隔樓頭鼓
心依酒肆壺
此時彭澤令
還肯折腰無

良鄉道上卽事懷彭爰琴二首

金臺花正發遊子漫言回空戲長楊賦誰憐入
洛才天涯仍作客京國嘆無媒此夕愁安托故
人應夢來

出郭環蒼翠峯峯映落霞馬聲嘶柳畔酒旆指
山家南國逢歸雁東門欲種瓜長安流滯者應
爲憶天涯

送春二首

薊北春遲到如何今亦歸野花愁自落梁燕看
還飛柳暗前途月塵迷故國衣年年那作客送

盡此芳菲

尤憐春去日未是客歸時芳草難爲夢征人不
自知鳥聲到鴉鳩花候過荼蘼憶得離家久頻
忘寒暑移

鹽池

郇瑕稱沃地鹵澤不須熬徭戶新添籍王官舊
有曹炎精蒸玉粒鐵釜泛銀濤國稅從茲出黎
民莫憚勞

虞帝琴臺

荒臺蒲坡上清籟似鳴琴
明月照猶爾薰風吹至今
和平還太古恬澹感遺音
多似湘江側時聞鼓瑟音

贈同遊者

喜子能談俠擔簦共我遊
壯懷依短劍結客托雙眸
筑擊花前月歌成柳岸樓
看山如有興沽酒脫余裘

叅藩李素園先生招飲有贈

閩海多奇士如公更卓然
酒同詞客飲詩向國

門懸對月閒馴鶴看花靜撫絃頓忘身建節日
擁一爐烟

客衛源偕魏惟度陳曉亭吳星若訪驪月
上人因留社集

新詩連日有出郭興愈增爲愛鬚眉祇招携山
水明採薇供午餽吹杖借禪燈遥指西山翠驅
車欲共登

途中遇雪

雪風吹馬去遲遲何處梅花勸酒卮在我固宜

潘岳鬢千人何盡馬良斜雲連玉宇炊烟淡凍
合瓊樓雁陣岐歸去自憐裘已敝寒江何處釣
堪垂

喜晤李廉水內兄

千里迢迢賦來風皇池畔且徘徊蒼黃正值
三秋肅青白何妨兩眼開射虎北平還好俠論
文東閣孰憐才相逢燕市同爲客共上昭王百
尺臺

曉行定州道中

夾道垂楊散曉烟驅車遙指太行前常時快讀
留侯傳此日慚揮祖迅鞭危堞亂雲猶漠漠平
沙荒草更芊芊傷心幾欲臨河返何處歸耕二
頃田

旅舍次壁間韻

三月垂楊別帝畿不堪飛絮正霏霏春深路遍
王孫草風起塵埋客子衣尚欲操戈揮魯日肯
教垂釣傍漁磯賈生正有匡時策寧向林泉賦
蚤歸

過壽陽縣

馬頭佳氣曉相迎
山色遙連樹杪城
關店新烟侵酒旆
客途殘夢醒鷄聲
醉餘不覺悲歌壯
荒後猶看父老耕
自嘆臨河曾未返
獨將辛苦事宵征

途中遇雨

山城纔過板橋西
疎雨淒風漸濕衣
遠樹有時侵霧出
層巒無數向雲低
鄉心易長河流漲
客思多沾柳絮泥
何處燎薪尋旅店
爲看村火隔

前谿

蒲守侯容庵招宴郊臺

臨風揮麈興悠哉
愧我曾無白雪篇
嶽勢西臨秦日月
地形北鎮晉山川
飛花紅向尊前落
遠樹青依天際連
恰喜登樓陪庾亮
好教風度憶當年

天中客蒲坂作

客中佳節獨淹留
敝葛朝來方換裘
虞舜山川雖在望
屈原風雨不堪愁
浮家久厭辟兵縷
泛

宅長隨競渡舟無奈錦江歸路渺黃河偏繞郡
城流

除夕

梅花邨落晚聞鐘獻歲明朝亥又逢旅舍寒烟
侵薜荔客窗燈影夢芙蓉囊空未賣金成賦劍
冷還憑雪作鋒濁酒半觥詩一卷聊支燈火伴
殘冬

送張睿先之舒城辦課

巢湖烟水正茫茫柳折河橋第幾行負郭有田

猶是累青門無爵不堪傷飛來燕子家非舊歸
去王孫草亦芳却嘆志和浮宅久成都無復有
餘桑

晚春喜晴

三春風雨不知春此日晴開景色新柳意故將
花作雪蝶情欲以夢爲人啼鶯自去潛芳樹遊
子還來踏錦塵巢水望中三百六烟波深處看
新綸

雨中發巢湖

風雨開岷意惘然征人惆悵別樽前空囊爲客
三千里八口浮家十二年野渡孤燈今夜夢河
橋疎柳此時烟不堪臨去重回首且向湖頭一
扣舷

次霍山縣

滄臺勝概壯南州一派清泉抱郭流縣裏青山
花繞屋門前綠樹月當樓萬家烟火連城市四
野桑麻接隴丘嘆我不緣身事累好來止此任
遨遊

阻雨

莫教久滯祖生鞭風雨連宵萬壑前
埜渡亂雲遲釣舫平沙芳草憶征鵲
關山冷逼歸人夢燈火愁來馬上烟
嘆我飄零常作客不堪靜坐聽啼鵲

羅田縣感大水作

野水連天促客車望中浩蕩渺無涯
孤城此日惟三版滄海于今剩幾家
豈待渡江方擊楫却疑天漢竟乘槎
征人已欲臨河返何處東門可

種瓜

竹瓦店遇鄉人

疲馬千山度翠微
荒村惟見鷓鴣飛
投鞭柳岸看溪漲
倚劍風前問落暉
久客鄉音偏入聽
長征旅夢漸忘歸
相逢休話兵戈事
且向壚頭醉解衣

別荆南兼柬東彭建初

典盡須回訪戴舟
豈同王粲便依劉
最難爲別文章侶
絕不關情冠蓋遊
江上孤帆還掛雨
懷

中幾劍已驚秋章臺縱有千株柳送盡行人總
不畱

楚江月夜

誰道仙人去未回鶴樓千載看崔巍楚王夢裡
神爲賦黃祖刀頭血是才烟火萬家明月渡笙
歌兩岸碧雲開征人極目思無限擊碎唾壺酒
百杯

九江登鎖江樓和壁間有感之作

潯陽樓接大江濤欲問蒼穹首漫搔遊子新亭

風景淚漁郎桃葉漢官袍簾前買舶東西去檻
外廬山日夕高回憶鄉關猶戰伐登臨極目倍
蕭騷

賣劍

豈因買犢解吳鉤却爲西京賦四愁誰道萬人
方足學自憐十五已迎牛定知空向燕山老遮
莫還從雷煥遊何事荆卿妄說劍至今七首不
堪求

贈武鄉使君吳人干

射熊未得賦長楊又逐征輪向太行因共芙蓉
花裏國來尋竹葉醉中鄉堂前織錦人如玉樓
上裁詩月似霜寶劍明珠逢子索莫言阮籍只
猖狂

客巢邑秋日同曾惟久湯子將曾公受昆
玉遊懷秀庵四首之一

千山霜葉映顏紅萬尺寒梢掃碧空馬踏巉巖
憐石瘦鷄鳴幽逕看橋通無邊野樹鐘聲外不
盡流泉曲澗中相對共亾歸路晚忽驚短篷已

乘風

送朱天授

邠亭沽酒送征輪
好向鍾山訪隱綸
知爾壯懷能造命
慚余傲骨不愁貧
嶺南共有梅花夢
江上人歸桃葉春
風雨談玄期再過
莫將踪跡類浮蘋

期登山望巢湖不果

廿載浮家戀此湖
別來踪跡冷菰蒲
王孫我憶磯頭釣
窮士誰呼江上蘆
風雨不堪遮望眼
洲

波何處可乘桴行當再命尋幽展指點雲山入
畫圖

秋望

碧天遙望影茫茫野濶沙長柳遍黃萬里塞鴻
猶帶紫千林落木欲流霜籬邊高節酬金菊楓
下輕紅慰海棠極目忽驚鄉思切鱸魚回首不
堪傷

留別賈伊任

若容高卧尚何求豈奈飢寒促我遊切切友朋

惟爾賴依依
隣曲向誰謀
梅花驛舍燈
催夢疎
柳河橋月上
頭無限離懷
難寄與王孫
芳草盡知愁

客衛源借魏
惟度出郭訪
驪月上人和
韻
鶴去軒空寂
鼓鐘相看郭
外數青峯客
攜風到
花迎屐僧卧
雲深戶不封
菖蒲未舒沙
路暗綠
楊已拽晚烟
濃北來傾盖
君知已日傍
延津匣底鋒

周雪庵以玉鞋杯索賦

貼地金蓮俏作卮爭看掌上玉山移誰從拾得
昭陽履醉見弓彎試舞時

蛙鳴不寐枕上口占

曾聞玄浦梵音後又是池塘卧聽時此夜公私
鳴不歇却教羈客夢遲遲

與客手談

暖玉輕敲午夢殘欹杯再拂頓忘餐宣城往事
余深鄙別墅還須擬謝安

小引

魏子曰企麓張先生丁未成進士以制義鳴海
內其詩未見也壬子與余定交衛源每當酣歌
讌飲之餘爲枕石漱流之舉謁比干之墓式伯
玉之廬聆吾夫子擊磬處靡不聯騎共馳嘯詠
志之然未能覩其全也癸丑入魏博寓天雄書
院者三匝月隔企麓家半里許春風解凍往來
無虛日相與搜蝌蚪之書訪沈宋之遺欽魏公
之晚節秋浦猶香嘆元祐之全人孤祠獨聳爰

有懷也偕之咏也而企麓始出其沐浴日月之
思絢爛雲霞之句命相訂正觀察孔先生復挈
斗酒相勞檄五鹿山靈給香茗佐之余始得探
其詞源創其詩興乾坤不死定有爲企麓卜千
秋者請以此帙爲左券也

百名家詩選

福清魏 憲惟度輯選

永年申涵盼隨叔 宣城趙時可考叔

仁和盧 琦西寧 廣平趙 湛秋水 叅

張鴻儀 字起陸號企麓元城人

咏史

戰國諸公子名譽越王侯倒履延賓客折節相
與游信陵重夷門捐生仰吳鉤毛錐解趙難狗
吠出秦裘養士幾千人僅得一二酬獨有春申

君躡珠炫客眸李園操戈時不聞同主憂復諫
以自用性命委瀆溝身殺名亦損徒貽三君羞
後來漢翟公冠蓋望門投一朝罷廷尉庭巷冷
如秋緩急不相濟反面成怨仇

丈夫善擇主策勲在鐘鼎托身一不慎愧恨徒
後時我嗟亞父謀幾使沛公危豈子言不用王
斗碎何爲旣見龍五采天命何能移彭城歸骸
骨差強鴟夷皮何如赤松子辟穀食紫芝

上元前二日朱左人夫子招同繆歌起大

史王子厚諫垣觀燈

春解層冰暖帝鄉
星橋將啟應青陽
尊開絳帳憐高足
燈列金蓮出尚方
火樹光搖檠外燭
藏花翠入酒邊香
歸來旣醉踏明月
六市落梅歌正長

臧介子年兄招集玉虛觀平臺看西山積
雪同黃訥庵戚而介鄭元閣喬子靜諸
年兄芳傳家弟分賦得山字

六花飛後霽春山
勝會登臨旅况閒
斷嶺風寒

堆玉屑危峯樹老帶霜顏黃冠亂指招提出紅
友頻催醉客還聞道吳兒能度曲竹林明日許
追攀

邯鄲少年行

我羨邯鄲少年行五陵裘馬氣揚揚射生走狗
蹴鞠場弱冠俠名走齊梁金韉玉勒鉄裊襠儀
從盡是千金裝興來狹邪過平康徵歌選伎自
相羊醉舞龍泉劍吐芒纏頭不吝傾錦囊天子
博募羽林郎追風逐電跨驍驎彎弓三葉獨穿

楊錦袍斗印出明光
願求推轂鎮岩疆
平生熱血報君王
在昔平原風流長
况生燕趙慷慨鄉
何時博盧訪賣漿
叢臺相與話昂藏

同人約遊岱宗

岱岳聞人說靈岩
接混茫氣衝吳練白
勢壓海波蒼
日觀飄仙珮
天門落玉香
相期峯最上
封禪弔前王

訪孫右漢不遇

爲園汝自癖
踏屐我能來
石丈如虛席
竹君解

愛才烟霞勞客夢亭榭待誰開不盡山陰興停
橈去幾回

卽事

僻性耽幽寂全無世外譁抄經勤煮茗按譜漫
移花竹枕詩連雨松亭夢入霞悠然無一事送
照落窻紗

聽蛩

緩步徵秋色俄來促織音聲迴雜細雨響落亂
寒砧殘夢驚初破新愁感益深蕭然羣籟寂落

日下松陰

春晚

又見三春去闌珊
不自由香消紅減態風度綠
含愁碧梳浮新乳青帘訪舊遊
東皇如可挽攀檻爲花留

雨後遊中條山

亂雲歸澗壑空翠濕巉峴滑滑鳥聲碎蕭蕭馬
道盤平田一野闊遠寺萬峯攢解得尋山樂渾
忘行路難

遊虎丘

榜舟村近水躡屐始知山雲染青千嶂溪流碧
一灣劍池烟樹合香積飯僧閒便欲辭塵累靈
斤駐客顏

盱眙山

山市迴崗抱尋幽不厭看途窮一磴引烟密萬
家攢雉堞連雲峻河流漱石寒登臨勞拄杖空
翠落巔帆

紅樹

烈風密捲肅霜寒。秋老千林帶醉看。半屬窺牆
渾似錦。全粧臨鏡欲流丹。卜隣賸有黃花友。耐
冷還須絳雪餐。疑是桃源招隱處。漁郎燈火射
前灘。

搗衣

霜冷芙蓉未授衣。西施獨上浣紗磯。聲隨雁語
魂空斷。心度關雲夢欲飛。支石敲殘機上錦。衝
寒搗瘦帶中圍。天涯忽憶征人苦。汨濕冰綃步
月歸。

題遯山草堂

濠梁秋水臥莊周手剪蒿萊結草樓十柳當門
開一徑雙溪遠檻擁孤舟山川若雪傳新藁裘
馬邨鄆說舊遊菊老東籬雲葉紫可容策杖共
探幽

同李褐公登岳陽東山小飲延壽觀

千峯一抹插雲青立馬遙看似列屏古殿奇文
多鳥跡天風急雨半龍腥池深魚隊浮沉見沙
漲泉聲斷續聽勝地招尋客我輩好將傾倒謝

山靈

鄴城懷古

西陵何處問繁華
衰草寒煙起塞笳
香履空聞留總帳
豆箕已自摘臺瓜
魂銷歌舞迷荒榭
腸斷松杉有暮鴉
疑塚無人封馬鬣
多情獨弔魏宮斜

才名鄴下動星文
七子風流自不群
繡虎王孫人似玉
從龍詞客氣如雲
覆巢北海無完卵
搗鼓漁陽有舊墳
獨羨當年列侍從
西園車蓋日

紛紛

安陽道中次雪厓韻

野霧蒼茫裏寒砧遠近間溪明秋見石雲密樹
連山木葉經霜落漁歌倚棹還何時倦行役小
築自閒閒

中稊吳通庵明府招飲伍山同中州羅夫
子雪厓孫年兄

岩崑疊嶂散晴暉
宓子開樽坐翠微
石底雲根連髓結
亭陰鐵幹帶鱗飛
白門隔歲依仙舫
青

眼千秋侍絳幃醉後孫登饒逸興半山清嘯月
明歸

登光岳樓懷古

層閣何年造登臨亦有緣奇峰雲外岱晴巾海
中天開郡追秦始射書憶魯連夕陽看欲沒燈
火亂漁船

春日郊園社集時同人有登岱之行分韻

兩月風塵倦馬蹄

時予歸自長安

歸家又見艸萋萋西

園社啟竹三徑南畝春深雨一犁日觀盤來千

磴折天門高處衆峯低
慚予數載羈婚嫁海樹
嶽雲入望迷

丹陽署中喜晤曹顧庵太史

玉堂學士謝鳴珂招隱山中臥薜蘿
百里星文占練水十年風雅重嘉禾
摘詞已繡陳思虎翔管還籠逸少鵝
環賜恩從天上至花磚日影待君過

重九寓旌陽署中言念竇松濤年伯朱鼎
陽同人出遊新安諸名勝未及追隨悵

然有作

巖坡深在萬峯間
雲鎖霜衙旅夢閒
選勝無緣陪杖履
登高有思賦刀環
黃山嵐染杉千本
白嶽溪流洞幾灣
佳會懸知人脫帽
使君賓從正開顏

重陽前四日同宋荔裳方與三過井泉庵
登高分韻

雨霽生新爽
招尋盡我儕
城蕪殘堞散
碣古亂榛埋
風帽吹狂客
霜華落斷厓
連鑣歸路晚
夕

照下茅柴

早訂登高約。逃禪客到門。飄蓬遊宦。改浩劫老僧存地。重黃河遠沙飛。白日昏。籌邊勞使相。指點舊軍屯。

客中雨夜

久旱愁鄉國。客懷去住懸。徒看三月雨。盡漑兩河川。屋隙分涼氣。窓虛透斷烟。瀟瀟聲入耳。清夢未成眠。

初冬社集約遊李道生園看菊分韻

秋去黃花晚亭然耐雪侵偶當白社集約訪碧
山深未醉籬邊酒先傳郢上吟招尋知己在共
守歲寒心

憶諸兄弟

長安三月苦樓遲每到芳辰動客悲鍛羽頻窺
鴻雁影離羣懶誦鵲鴒詩高歌風雨新秋夜把
臂池塘長夏時往事不堪回首憶相思有夢到
漳湄

清明同印心舅丈黃五城成我孚家七叔

九叔長兄兩侄飲丹陽之望湖亭因憶
五鹿社同人

春風披拂草芊芊十里湖光望欲然有客開尊
同醕酌誰家別院競鞦韆看山已踏雲根斷仰
屋空留月影懸回首漳干蓮社侶尋青何處擁
嬋娟

謝雄隱上人畫扇

寒汀烟渚墨痕濃小景成來逼惠宗纔展齊紈
風露捲恍疑身入翠微峯

春閨曲

春暮闌珊清晝遲博山烟盡永沉時
百花園裏開移步戲取落紅打侍兒

小引

魏子曰元城喬木之家代不乏人惟張氏最著
然不僅以青紫耀里閭也蓋實有其才華意致
爲當世所推重焉余壬子客衛交企麓已選其
詩次歲挂轅澶淵又得與念麓晨夕倡和不啻
金縷雲之堂攬其菁英而坐進風雅也惜凍雪
凝霜手腕如戟未能抄其全稿因就邵學憲所
拔五鹿詩選中鐫其尤者與天下共之鳳毛鴻
爪稍覲光儀已咄咄歎異何必過屠門大嚼勞

麟脯飲瓊漿始稱快意哉然張氏諸阮可與二
麓頤頤者余又烏得而盡知之也

百名家詩選

福清魏憲惟度輯選

錢塘嚴沆顥亭長垣王維坤簡菴

參

華亭顧大申見山元城孫郁雪崖

張鴻佑字右君號念麓元城人

寄朱汧朱

尚憶東園醉衝寒送爾回
竄憐三月別今見一書來
幽鳥鳴春竹輕風度草萊
遙思明月夜清夢幾徘徊

過廢寺

路斷忽逢寺空林
淡夕陽無僧堪問
法有客自登堂鳥
啄殘經亂塵封斷
碣荒徘徊吟眺處
衰草暮雲黃

過肝胎

不謂層巖上巍然
雉堞連門迎千嶂
起樓控半天懸落
日伍樵徑眠雲抱
石田不知吟眺處
已踞萬峰巔

無錫夜泊

近水秋偏早江天霽復青
濤聲驚夜雨螢火亂
疎星就月移歌舫尋涼泊
鷺汀異鄉客客醉身世
信浮萍

雨後過海潮庵

泊舟來野寺香閣晝氤氲
雨過千林濕門開一
磬聞登樓瞻海氣掃石臥
江雲不識支公社客
隨野鹿群

黃河晚渡

短棹臨孤渚黃河起暮煙
風高沙障日雲動水

浮天漭沆魚龍嘯濛洞江海連中流空擊楫今
已負當年

登岱

岱宗山翠鬱嵒嵒晴日登臨興不窮石壁簾蘿
垂洞口天門鐘磬落雲中蒼巖積雨苔嘗滿老
樹盤虬腹半空拄杖試探孤絕處微茫直與玉
虛通

青帝峰頭亂石攢煙光凝向鏡中看海晴東望
三千里路險中分十八盤落日倒啣吳練白長

風遠引暮天寒倦來暫憇層崖下無數松花拂
簪冠

撥雲身立石門巔羅列群峰入望偏曲磴千廻
潛蝕屐奇峰一柱矗撐天穹窿漢時封壇古磨
滅秦文斷碣懸晁羨茅庵雙羽士攤經高枕白
雲眠

岩光疊嶂插芙蓉極目煙嵐翠幾重高閣連雲
巢海鶴飛泉落澗動眠龍銀河亘接桃花峪渤
海遙連日觀峰七十二君封禪地題詩石壁弔

遺踪

黃美中歸自西湖

半竿離思隔江天
河朔初歸訪戴船
孤杖曾探天柱月
輕裝應帶海門煙
堤邊楊柳懷坡老
井底丹砂憶稚川
聞道客途詩興好
高吟莫惜向人傳

過江

江水平如鏡
持橈縱遠看
雲生青嶂圻
天入海門寬
風定孤帆穩
濤飛八月寒
金焦新雨後
空

翠落巉爔

同趙秋水訪孫右漢不遇

城外閒雲拂野流探奇並馬入林丘
主人何處尋元亮客與翻同問子猷
一帶溪光涼似雨幾行樹影淨于秋
相拚他日還相訪清嘯閒登百尺樓

西園雅集喜秋水自廣陵至

西園樽酒罄交歡雨過高城竹氣寒
六月故人江上至十年白髮客中看
池邊漲水通花徑樹

杪歸雲度石欄倚杖深松懸暮色蒼蒼落日下
煙巒

雨中登北固

北固臨江峙層巒接碧霄樓吞京口月鐘落海
門潮帶雨拾山果披雲採藥苗石磬逢老衲指
點說金焦